

遂初草廬詩集

遂初草廬詩集卷六 海山集

琅槐杜 堦石樵著

將去中山登樓次韻題壁諸公

危樓竄倚嶽雲開奉使於茲三度來宿鳥依然棲古木聞雞何處辨荒臺新聯勝友人千里迭和清吟日幾回至竟難消今昔恨丹梯欲下轉低徊

雨花菴喫粥

儘有非非想誰能且喫茶闍黎鐘欲動翠堵影初斜東道難爲主西來未是家傾囊酬一飯空自笑皇華

途中連日雪山村如畫

太平燈火上元期

趙州以南新歲家皆置燈繫繩於路植竿於門過元夕乃止最有景色

撩亂年

光玉戲時世界有情終似此春風無賴亦聽之朦朧遠樹東西
崦飄泊飛花長短籬三日太行山下路欲將狂眼盡天涯

上元前五日因感寒乞少林太守助理試事

曙色迷離立白袍紗籠爛漫點朱毫因君五馬行春便

是日助立春

我雙瞳闕士勞自是芝蘭同臭味坐聞唐魏入風騷

邢士不解詩太守每

與講習今

稍進矣 冰懷三日消融盡共上靈山看六鼇

憶上元侍 宴

暗憶端門侍宴時見東坡詩集傳柑懷餅近臣知每宴賜酒畢撤御前果餌徧賜

羣臣宮壺宣勸當階久法曲飄揚出殿遲前列相推聽玉珮講官班與

內大臣聯末行卻立記燈詞講官筵在陳設聯燈後其前則內大臣俱東南向羽林欲下銅

龍曉無限春陽上柳枝賢良門外銅龍御柳宴退日出正照也

邢州元夕六首市肆設棚懸燈鼓吹通晝夜寺宇亦然蓋邢俗也

萬戶走春雷瑟瑟畫鼓催聊因聽月去云是踏燈來大道多垂

柳新歌比落梅九關魚鑰下珠斗夜深回

十日熙陽後東風病欲蘇翦花添彩炬刻獸撥紅爐小令垂簾

避閒行借杖扶明朝判底事莫待曙飛鳥

磊磊浮圓子家風節物看含芬流翠釜拈雪淩朱盤稍說兒時
事因成客裏歡杜陵花竹夢日月兩流丸

聞道今年雪京都一尺豐

詔書十行下樂事萬方同鶴舞天街月烏占

御苑風金吾傳玉漏燈火鳳城東

每歲東華門外有燈市

良時偏禁酒獨坐避同遊睡鴨熏初換飛蛾鬧肯休年華逢熟

歲土俗有名謳故事魚龍戲明當問細侯

謂少林太守

計日陽平去臨關別太行地隨旌節轉春付簿書忙碌碌才何

補漫漫夜未央山城一搔首空負鬢如霜

看月

一樣中宵月經春復帶煙好鋪金粉地巧觀綺羅天燭影搖逾
麗歌場傍更妍誰家肯閒坐我亦未成眠

吾家雙稚子此夕下階同學拜推而妹拈吟憶乃翁三更喧晝

燭一笑響春風儼有歸人便家書寄雪鴻

孫女六歲常哦學人拜新月之詩又兩孫

皆學
爲詩

陳海墟明府以火樹爆竹見貽賦謝

使君爲我耀皇華客裏逢春只當家虛牖一重驚破竹粉垣幾
曲散飛花蟾光入院和煙照羯鼓轟城帶暖撾病體消除三五

夜題詩不覺墨如鴉

春寒尙冽少林太守假以狐裘卽成寄謝

太行東去路漫漫藥裏新拋怯曉寒一月春風容我坐萬間廣
廈此同看披襟自許稱溫伯贈炭誰能到冷官他日承明星漏
下良朋長憶舊交歡

雨過沙河

那曾今古斷人行夢破邯鄲第一程極塞風雲連大陸太行煙
雨黯孤城林梢不見河流處沙外惟聞鳥過聲三尺馬箠千里
道空餘歲月照崢嶸

大風雪晚至廣平

東來道路莽無痕
萬樹氷花認郭門
飛雪四圍天水墨
驚飈一日晝黃昏
喜逢高館張燈待
已有春醪向火溫
卻念千山行旅
夜烟樵風興與誰論

出廣平雪行至肥鄉二首

春風載雪九霄還
吹落叢臺千里間
城郭回頭纔辨角
溪橋驀越不成彎
蹲獅伏象連宵出
翠館紅亭一例刪
最喜王程新歲後
梅花世界走關山

向午連晡漏日纔
花飛蝶舞轉縈迴
前旌欲上銀霄去
小隊遙

從粉地來紅燭已消新節候蒼松難認舊樓臺館人喚醒遊仙
夢相勸溫顏酒數杯

至大名 奏報春雪紀事二十韻

瓊籞換韶華

君恩豈有涯普將千里雪散與萬人家市野田田玉連村樹樹
花迷離環海岳飄瞥戰龍蛇日暖朝猶集風嚴暮轉加銀雲仍
打疊粉屋自橫斜孤驛紅棲鶴空巢墨點鴉滿城梅掩冉夾道
柳鬢髭遠寺撐雙角危峰露幾了此時晴入畫一片淨無瑕積
素明簾額騰輝照戟牙初停修月斧稍駐貫星楂判使馳飛電

穿程軼斷霞

天心應亟慰

臣

語敢流夸下尺培禾種兼旬養麥芽寒催新束

耒溼接舊燒畬願繪豐年瑞如聞野老譁春燈看巷焚社鼓聽
鄰撾小卯占期邇元辰錫慶遐太和皆

帝力計日讀黃麻

大名使院水仙迎春盛開而余將行各系以詩

水仙花

千山萬水走驂驪風雪前頭寄一龕剛要花時來正好惱人春
色在江南

花花安帖葉玲瓏白玉新裁綠蠟紅一種高山流水意雙垂簾
押謝東風

晚雪初晴晚日溫清泉白石酹幽魂時聞冰筋風檐墮又夢梅
花昨夜村

讀書昏眼不分明仙子淩波渺欲行相賞祇應黃涪老出門一
笑大江橫

後水仙花

幔几銅瓶欲凍時此中清絕少人知天南一片瀟湘月留伴閒
窗恰道宜

古調微聞三弄琴小屏山畔索知音夜來亦有燒銀燭移就花
前總不禁

單寒翠袖倚雲隈門外狂飈動地回分付東皇君且去玉顏不
受點塵埃

我來冰雪鎮淒淒下九初三晝閣西此後蜂狂蝴蝶亂惜花詩
嬾對花題

迎春花

綵勝華燈照眼來好花官閣報初胎卻緣使者兼旬到放過新
年未肯開

潑水衾凋擁曉寒窗
前料理案前看移來
暖日玲瓏照半涇庭
陰雪意殘

梅邊柳際儘句留不
見春來也索休一種
花開春欲徹底須檀
板按涼州

的的金簪映酒樽圍
爐一笑忽成溫昨宵
風雪關山路枯木寒
鴉正斷魂

後迎春花

園林未是花天氣一
半寒冰挂柳梢何意
垂幃能貯得殊芳別
豔已含苞

嬌妍細碎逗輕黃金粟梢頭萬點香掩上紗幮人不見濛濛月
霧轉迴廊

紅泉漱出玉纖纖伴我瑤華十萬籤笑殺小樓聽雨夜尋消問
息到青帘

紅繞山原白壓籬蜂慵繞困影參差晚來幾陣東風惡狼藉閒
庭又一時

王生聯陞求作小楷答之以詩

昔人名一藝神妙斯足稱我書旣意造追步苦未能怪子緣何
事愛此癡凍蠅老來雙目昏十指如枯藤爲子一強作自視良

可憎無已爲之說夙昔所服膺精神要灑落意格亦騫騰瘦骨
入道勁高致追峻嶒鍾王發淡古顏歐多觚棱後來惟松雪於
斯三折肱變化固因時妍麗因以增溯源始觀水取影宜就燈
用力雖自深養氣故不矜一朝超凡俗下視塵萬層落落晨星
爛豔豔朝霞升爾時眞積久豈意彼岸登笙璫亦何戀規矩信
有徵姑往問虔禮毋獨憑少陵

偶憶去歲在灤陽得句因續成之

迴巒複嶂敞煙扉兩載重經對翠微草色不離官閣綠楊花偏
繞

御園飛占雲較量朝朝雨數日安排緩緩歸一別丹邱好林壑
青春閒煞謝元暉

前詠春詩八首

春風

渺渺輕吹淡淡浮踏青車馬送行舟剛穿柳市渾無著略蹙波
紋也自休拂卻殘紅三月尾驚回寒夢五更頭牽情惹緒知多
少百尺游絲更不收

春雨

和煙霽歷借風飄道是暄妍又寂寥作陣更番連社日送寒將

煖到花朝山村沽酒青旗遠野徑遊春珮馬驕底許閒愁推不
去吳嬈水閣晚瀟瀟

春陰

江樹垂垂江草齊青山遠近水東西疑煙更失樓臺影漏日先
明桃李蹊鴉鴉無聲林外覺蘼蕪有路夢中迷晚來欲雨朝寒
甚愁聽閒窗夜半雞

春晴

不風不雨恰經旬說著春遊百種新闢草占他調馬地吹簫喚
起倚樓人三時鳥嘯爭千樹一院花光豔四鄰只索大隄遮望

眼山長水遠總傷神

春朝

銅駝陌上釧車行
鐵馬檐前畫角聲
推枕人拋三日困
捲簾花助一樓明
泥香乍語巢梁燕
寒峭猶喧出谷鶯
誰爲漁陽偏入夢
眉山蹙損臉波橫

春暮

樹杪金烏曉晚移
踏春南陌醉歸遲
游蜂嬾漫猶耽蜜
啞雀玲竚正揀枝
城闕頻經行迹亂
江干獨立帽檐敲
蒼煙漸織紅塵暝
犬吠花邨月上時

春晝

攀得仙桃種佛桑一春清課爲誰忙
秋千院落時相見亞字闌干影正長
胡蝶儘依花側畔栗留不斷翠中央
紗窗睡起惺忪甚忖道分明又渺茫

春夜

拾翠尋芳興欲慵沈沈蕭寺幾聲鐘
伊鴉慣怯銀屏響掩謁微吹寶篆濃
聽雨樓頭燈焰焰護花廊外月溶溶
黃雞無賴頻催曙眼底關山一萬重

春日分賦詩成題後

少年礪礪復崎嶇對了鶯花半不禁敢謂風騷傳自古難忘感
慨到於今柯享有竹皆成笛栗里無絃併是琴鐵石心腸冰雪
思也應情竭爲知音

題沈石田春耕圖袖卷時在東陽

行春使者一畎無萬錢自買春耕圖長安市上驚照眼鄉思忽
然生五湖柳色青青杏花白舍南舍北飛提壺借問路旁今何
日家家未耜開蓬廬晨出驅牛向夕返煮芹燒筍歌烏烏行行
畿內一千里慣聽畫角奔轅駒晴日川原豁朗煖煙林隴鬱
模糊太平誰似田家樂駐車傳說與耕夫千畝良疇五畝宅人

治何妨我則無叩之石翁意何如石翁笑口方廬胡使者大言
不自愧空負遭際時唐虞三年索盡縣官米便便腹飽如侏儒
吾圖於爾復何有差好丹青傭作奴

東陽清明

芳草萋萋綠柳斜清明若箇不思家龍泉寺裏無人到零落東

風一樹花

寺後杏一株不知所自始少
時每清明往遊因折花以歸

長官舖村舍小憩

似繡川原一掌平溼雲初散日華生雨消宿土皆含潤春晚曉
風猶帶清繞屋籬多遮馬過出門花要礙人行閒吟未了還邀

住不覺肩輿半日程

博陵懷古

下博城南玉勒停
行人眼向酒旗醒
三春柳色饒陽渡
千載輿王麥飯亭
陵谷西來山雨暗
魚龍東去海風腥
祇今白馬溝邊路
蔓草年年一度青

後詠春詩四首

春草

野燒連雲夕照低
朔風吹盡卻萋萋
迷茫舊夢通南浦
宛轉新痕上大隄
幾日山原消雪徑
一番煙雨落花泥
生憎楊柳河橋

畔苦爲征人送馬蹏

春柳

占盡年光是柳條一番顧盼一魂銷心懷約略初三月風景依稀廿四橋玉笛何人吹嫋嫋紗窗有夢路迢迢陽關莫問情長短撲面花飛恨未消

春雲

裊裊輕容淡淡暉晨風飄泊晚煙圍黃昏山館梨花夢寒食江亭燕子飛委地幾層侵蘚徑遮樓一角鎖湘幃宋家詞賦尋常見十二峰頭是也非

春水

吳頭楚尾坐茫然
雪漲平湖雨拍天
問渡不離桃葉下
搖村祇在杏花前
離亭綠浪鱗鱗起
別浦紅帆的的懸
窗榻玲瓏朱閣外
一春寒夢落江煙

詠春復得四首題後

春來情緒最難支
風信初殘月半時
紫陌年光猶澹沲
小園花事漸離披
撚鬢獨愛蒼茫立
側帽偏生宛轉思
擲管自吟還自續
任他千載笑成癡

春晚將之津門

估客春乘淦水船行人遙下博陵煙滄滄海日紅生郭豔豔溪
雲綠接天三輔樓臺多綺麗九霄花柳自娟妍東風信宿還成
戀十字津頭怯著鞭

九河

禹迹茫茫問九河九河故道在德州河間棣州之地海濱碣石

未銷磨自天津南盡棣州數百里內惟海豐舊河岸有馬谷山趾頂皆石周圍二里許形如碣石蓋即同為逆河處與

禹貢夾右碣石之文合漢家分土名猶在河間以九宋氏傳經說豈訛地

金南宋人不履其跡故自昔洪流歸渤海棣州古渤海地河所歸豈容別

派混滹沱北則天津滹沱入海處九河在其南明矣豈得越入平州乎島夷尚識來時路萬

丈潮頭奈爾何

蔡傳指驪城之碣石山爲碣石遂深信論入於海之說以銷九河之案可謂疏矣

初夏行瀛鄆之野

一辭解懷館言訪峭帆亭九野望中盡三山何處青日高聞雉乳雨過帶龍腥去去鱸魚後蒹葭正滿汀

靜海客舍

二十年前舊主人雙眉如雪鬢成銀開門指點河邊柳問道依稀陌上塵今古由來皆逆旅榮枯誰復記成因休驚姓氏重相見一話明朝迹又陳

李采亭太守送芍藥

惜春太守贈將離
婪尾風光映酒卮
歌管欲終人欲去
看花剛

好欲開時

將行宴於
艇使署也

七月十八日慈谿館雨中校士憶昔有作

漫空白雨夜連朝
一月長安送寂寥
車馬有期催鳳駕
泥塗何路跨青霄
貼經紙下秋飛葉
鎖戶人歸退晚潮
四十年來風景在
垂簾獨聽響蕭蕭

書周刺史賡沔陽守地記

手提三尺斬長鯨
一介眞如萬里城
勢逼孤危憑赤膽
心虛保障爲蒼生
澤中旅雁春常伴
幕上隄烏夜不驚
片語頌君還愧

我空譚文字答昇平

喜晴是日之東城校士

十日濃陰一日晴沙隄路熟馬蹏輕河收細溜歸鱗堰風約閒
雲出鳳城天爽穩宜開閣坐泥乾不怕踏花行芙蓉江上憑誰
采招引秋來無限情

雜興

暮年秋思滿江潭欲把扁舟問水龕天入句吳雲似蓋山橫於
越樹如簪林逋蹤迹梅邊訪白傅詩歌竹裏諳泛宅浮家生計
了不妨丹竈付淮南

無端百感上心頭作意推除去復留後起安知前事業往時曾
歷古春秋桑田十畝鳴雞課繭楮千番辟蠹收世有貧家珍敝
帚那教此願更悠悠

雜憶

少小天懷浩蕩同朝朝蹋臂向樓東嬉春慣趁三竿日走病能
當一徑風苔長上階鶯滑遶花開隔壁見玲瓏空堂煙雨黃昏
夜更蹙春燈墮玉蟲

尾瓦鱗鱗咫尺天每矜健步舞胡旋城頭拍手高高月郭外移
情濫濫川放鴨青畦新雨後捉螳綠樹野風前斜陽更打籠冬

鼓不識人閒底恨牽

芳草灣頭擷菟絲蟬聲響斷綠陰遲閒分穉稂尋幽徑又逐蜻
蜓過短籬屋後青山雲午午隄旁野竹稼離離何曾邱壑胸中
貯一脫樊籠萬種宜

空齋作鬪似蜂衙相引爲曹不厭譁對語紅襟梁上燕交縈翠
蔓舍旁瓜追涼也惜秋風老鬪健安知夜月斜尙有微時遺劍
在詩書漫捲墨塗鴉

嘉平歲事已爛斑臘粥前頭卻放閒冰柱急敲寒墜指雪峰高
築令皺顏誰家柏葉春燈下一道銀光爆竹還最憶圍屏看圓

畫東風無盡是關山

別院鴉又井轆轤經時不到長青蕪撥琴怕遇鍾期聽拔劍狂
將太白呼窗畔清淒懷舊侶田間瑣細問歸奴於今惟有收亡

硯一溯當年淚滿襦

亡硯別
有記

雜感

壯歲端居意慨慷引弧便欲射天狼高情絕世誰能俗大略觀
書未要詳寶劍詩篇悲壯烈愚溪文字託清狂自從背讀蕪城
賦今昔關心更斷腸

世事全疏物亦乖滄桑井邑不勝懷星河乞巧文猶阻塵土書

空宇易埋換米餘毫堆敗簏添薪落葉積荒階王孫幾點英雄
淚老盡年光七尺骸

閱歷人間濫瀆堆一官薄繫亦堪哀古而無死誠何極士有相
招苦未來歲晚流移增慘淡居貧措拄漸摧頹壯心尙記平生
語肯逐轅駒付冷灰

一生恥作稻粱謀畫餅空將虛願酬天與兒孫聊慰暮心隨草
木暗驚秋十年不到新阡隴九日難忘舊釣游似續古人無限
意蒼山日落水東流

詹事到官復過庶常館

玉河煙景最清華仙客難逢博望槎此地能來良有幸當時小
住便爲家淋浪醉墨曾題壁淡冶春心舊鬪茶珠樹於今閒倚
徧夢魂長憶榜前花

辛酉閏中夢人贈白丁香花一枝香色特異

悼亡詠孤雁四首

煙水蒼茫未覺寬羽毛耐盡九秋寒長鳴自訴風霜苦遠引誰
知道路難沙磧衝雲空索莫江村望月幾團樂關山一點襍穢
影錯認當時伴侶看

歲歲南還又北歸也迎朝日對斜暉飄搖古塞聲初斷不了寒
宵影乍微漁火夢魂前度杳雪泥蹤迹舊痕非衡湘多少呼羣

去滿目蕭條不忍飛

宿煙漠漠露淒淒地迴天高望欲迷
楓葉化丹皆是恨蘆花如雪不成棲
單寒略比樓中燕零落曾看海上羝
去主來賓何處覓一灘風雨暗螢囀

老大何堪神獨傷人天去住兩茫茫
已拼歲月如流水豈有情懷送夕陽
化鶴猶存今夕恨裏蠶底用死生忙
年年此際黃花後一度南樓幾斷腸

余於甲子與京兆考官之役得鄭生長
錄卷賞其典麗薦之主司初擬副車
余復爭之得入鄉舉之額既而連上

春官不第居京師朝夕僕賃不給幾十年歲辛未捷發
甘肅試縣令補屈吳並攝仙提值歲歉累過多以挪移
獲罪師若友助之完十之七八已而 恩詔出之獄所
逋皆赦免將歸倩工作再生圖生是時年纔強仕耳茲
之歸也尋少時之故迹寫大平之謳思以欣以詠樂而
忘老然意可悲矣余故多感贈之以詩亦以抒余懷抱
焉

人生忽如夢出夢乃云覺當其旣覺時所夢復何著春陽生故
夢秋風隕危華遭時亦已殊造化紛囊籥大矣天地恩太和所

磅礴豈意豐城獄復見延津躍世間悲與歡宛轉相纏縛嗟余
非賢達未免傷今昨行行送將歸斜陽照西郭

送佟鏡塘同年出守臨安

雲中魏尙舊知名慷慨何辭萬里行吹角建牙他日語彈冠結
綬故人情霜前按部瀘江煖花裏觀風玉嶺晴莫問當年南詔
事籌邊自古仗書生

試宣和坑石研

研本曲阜孔氏物入李文襄家
穆庵表見得之又將以他售也

夙世應多翰墨緣少年情味老猶偏初填競病酬詩債又點丹
青印畫禪窗際雨來蕉葉暗牆陰風過竹花娟宣和暫遣陪消

夏一度臨池一惘然

爲闔雨帆中翰作山水小景綴之以詩

忽發林泉興歸山恐未能閒將三寸竹聊代一枝藤何日舉
去當年踏石曾虛堂幽夢返殘夜雨如繩

雨夜有懷

檐雨淋浪欲曉天夢魂驚破不成眠聽松軒裏垂簾坐迴首寒
燈四十年

自題畫意二首

戲拈斑管寫春山煖樹輕波遠近間格是永嘉佳絕處迴頭一

笑破塵寰

山家落葉日紛紛
自向階前理白雲
谷口舊來行迹斷
那教雞犬世間聞

遂初草廬詩集卷七

越吟集

琅槐杜 壻石樵著

奉

簡命視浙學歲除前一日出都

臘雪春風動九關行人旌節歲華間傳郵欲指三千里奉

蹕初辭十二闕上國恩榮滋草木前宵魂夢墮湖山從來貢玉
論珠地那遺軒車袖手還

涿州守歲

更樓畫角破春寒旅館殘燈耿夜闌憶得故園兄弟好出門猶

作杜陵看

過趙北口

野館雞鳴困未消
強扶宿醉促征輶
馬蹏得得燕南路
曉日寒
冰十二橋

富莊驛題壁

馬上不作書十指
鈍如椎車中不吟詩
枯懷冷如灰
十里五里瀛州道
道上征夫何草草
朝辭野店暮荒城
撲面黃塵送人老
况是辛盤初薦歲
家家例有花旛綴
笑拈禿管寫幽襟
拚向東風三日醉
醉裏關山度若飛
柳梢初日已斜暉
王程促迫良有

以安用區區毛錐爲君不見當年燕領兒又不見昔時傅介子
自來有志輕四方丈夫終不作癡蠅死

德州晤封棣堂同年

一話前塵三十年書生情味故依然幾回夢寐空斜月無限光
陰竟逝川舊雨當時誰健在新春此會亦奇緣明朝有句爲君
壽記取江梅驛柳邊

崗山

斜照生暖煙輿夫稍苦熱却出南山口仰見數峯雪逶迤下坡
陀蹭蹬陟嶠嶠石梁平若鋪土崖斷如齧有時踏層冰細流轉

清澈緬想此地初從古無車轍人力之所通天地藉其缺萌村
漸昏黃遙林互明滅明日穿雲去岱色看雄絕

書事

車聲轆轤折軸脫轂彼何人斯惟利是黷乃乘吾危小人之腹
願言懲之盍夷其股

余以乾隆庚戌值

東巡獻賦泰山下今三十二年復持節過之記憶當時慨然有
作

濟南二月杏花繁

天子省稼行川原

鑾輿東出朝方岳萬國異路皆同奔書生雕蟲富奇字秋賦年
年不得志一朝書奏長楊宮詔許春官給札試從此青衫換故
袍風雲意氣凌秋毫謂言玉堂吾自有飄淪十載空蕭騷十年
零落晚科名一第真堪號更生抽筆常依鰲背立荷囊每向螭
頭行屢空乞盡長安米曲突朝烟吹不起分甘短被蓋黔婁且
貯冰壺心似水昨充宮僚持使節太行山下車輪折馳驅上塞
暨海濬博得蕭蕭兩鬢雪而今馬首又從東髣髴家山夢裏同
驛路近邊石磊磊天門頂上烟濛濛閱世增悲撫事傷當時朋

侶半淪亡唯看

玉輦經行處雲日猶鮮草木香三朝更歷承

恩遇弭蓋重來歲云暮杲杲春陽照此心銅鉦已挂西原樹

瞻岱

濯沐禮天孫天雞唱曉瞰平臨江北戒俯壓海東門風雨資和
會陰陽共吐吞鼓鐘羣動肅冠劍百靈尊迴發扶輿秀深韜化
育根崇朝雲裔裔終古氣魂魂青簡稽三望丹誠叩九閭獨慚
南國去何以答

君恩

南行

茲途旣迴沿我行亦卻曲升高云陟岡趨下俄投谷隨時爲偃
仰易地多起伏賴有兩面山并作雙畫幅翻因行遲遲漸開屏
六六於茲乃忘倦攬之若不足譬如觀異書聳牙頗劬禿及得
其真意醉心皆芳郁請告執卷人更作行程讀勿辭三折肱終
得一快目

渡沂水

青山一髮貼天痕木落沙平水上村更聽竹西歌吹去江南春
色最銷魂

楊蓉峯同年留飲

時守沂州

翰林風月惜離羣
樽酒其如袂又分
此後相思勞悵望
天南烟樹海東雲

郟城多梨園
接陌連阡暗無涯
際衡茅隱現如在畫圖

近南稍覺日行遲
冷閣東風十萬枝
欲解金貂留一醉
可憎不是遇花時

宿遷道中

長阪西臨駱馬湖
幾家村落遠烟孤
青驄蹀躞平林下
一幅春陰行旅圖

憩旅舍兒子說黃牛峽

三朝三暮見黃牛下峽灘聲入夢流我老只宜向吳越詩囊茶
具一扁舟

渡黃河

東西極渺矣長河貫其端混茫萬萬古一氣相周旋溯從伊闕
來直下雲梯關洪波激殷雷坤軸疑漂翻戕舸忽一葉淩流截
百川天地頓改色日月皆皇然三復太白句孰窮太始前胸懷
瀉萬里慨焉茲叩舷

舟中口號

天台劉阮不可望尙想風流杜牧之十幅蒲帆下淮水隱囊紗

帽坐題詩

阮雲臺劉信芳兩先生先後視
浙學時人語曰劉阮入天台

淮上曲

織蓑何篤速編葦何紕離長年弄潮水生作淮南兒
生兒好身手一舟打兩槳載得長官來還送長官往
長淮三百里布帆往江東日暮不挂纜要趁折戣風
前頭唱欸乃後頭唱邪許那嫌聒長官舵樓夜深話

對雨

一線長隄隔湖水不見河頭與河尾濛濛小雨西北來春帆漾

入春雲隈東風力軟浪花碎挂頤人在孤篷背心期三月廣陵
游相送瓜儀且少休

揚州

寒樹繞蕪城春潮落瓜步愁殺渡江人莫向雷塘去

雨中望金焦

殘夜響疏篷平明野望通青山誰近遠白浪自西東峙海春來
小浮天眼底空雲烟如畫裏漫送一帆風

發京口

鏡吹出京江江雲護客艫橋凌城上堞屋壓岸頭椿草色連漁

浦泉聲落蜃窗晚來寒雨急前望幾降蹊

以中冷泉烹龍井茶舟中兒子夜話

此水名天下斯茶冠雨前宿程連日困活火半宵煎兩腋殊清
絕三生亦偶然王家舊風味與爾話青氈

西湖懷古

澹澹輕痕淼淼光天開圖畫鎖金湯南朝故壘今何在賸有烟
波送夕陽

謁和靖先生墓

先一年陳荔峯閣學林少
穆觀察補種梅數百株

水流清淺月黃昏寂寂青山繞墓門不有梅花三百樹春來誰

好伴詩魂

拜白蘇二公祠

要與湖山作主盟
天留此地屬先生
心香未辦塵容在
敢擬階前薦杜蘅

驟熱

自我初來杭
冷風動板屋
於今復幾日
大熱成蒸燠
親故諗我
云南北實異俗
衣裳旦晚備
天氣變閃倏
茲行且數月
入船還登陸
朝或汗如雨
暮或肌生粟
往來儻忽間
安能先事卜
人生各有寄
念此心轆轤
信知北嘶馬
不逐南飛鵠

別姪女余將赴衢女亦將之南昌也

骨肉無他伴他鄉意倍親思兄常入夢見女轉傷神
遠道音書闊長年歲月新初來又將去老淚一沾巾

舟行

開戶納山翠空江人語響看撥木蘭橈不覺春潮長

翦江

越人使船如使馬昔者聞之見殊寡今來卻看翦江行
乘潮不怕奔湍瀉前去明朝逢釣臺帆且勿張篙可捨
我將醺酒醉波神更乞石尤三日假

夜半睡醒卧聽雨聲浪浪喜而不寐

夜來身落孤蓬底夢繞鄉園呼不起三更何處走輕雷雨打短
窗清到耳披衣伏枕還自笑我行快意其能幾一葉萬頃淩茫
然青山兩岸而已矣江風驅雲逐布帆故遣千峯淨如洗篋中
尚有富春圖青鞋布襪何年始

詠嚴子陵

江濤滅沒客星寒雨笠烟蓑一釣竿帝座何煩驚太史眞人只
當故人看

進清江港凡數折舟行爲遲

橫窗直拓兩邊開收拾青山面面來萬疊蒼烟濃似墨一痕新
漲碧於苔檣烏欲轉勞牽曳岸馬如屯且遲徊清沚何因清見
底尋源應在子陵臺

七里瀧釣臺在焉直立如削成下有子陵祠

泝流上桐廬蒼崖幾萬轉突兀見高臺俯臨春浪輒峭立一片
石側徑不容踐先生何取是而以垂釣免一辭人爵榮入山遂
不返高風百世後身隱迹益顯石室占勝區是非復誰辨輕舟
泛綠水已過猶迴眄倒影入空潭人共滄波遠

新晴示幕中諸友

城門燒符船打鼓三日龍公行白雨碎拋珠串灑春江細點平
流潑寒乳榜人淋頭不言苦身著襖衣手搖舫昨宵雲黑天如
罍霑溼紅燈照廊廡凌晨準過烏石灘夢魂已落垂楊浦覺來
喔喔聞雞鳴螺窗透曉褰帷覩山頭日出烟猶重芙蓉插空橫
午午君家分野共吳越我亦卜鄰介鄴曾此邦山水誇第一分
與我輩爲賓主新詩洗出發奇秀雨旣妍娟晴亦嫵卽循巔崖
下遵渚招邀萬象歸庭宇疏簾清簟坐焚香長日同消烟一縷

上灘諸君船後至以詩問之

地道有夷險莫向灘中行風信有遲速難期水上程洪濤自西

瀉南流與之爭兩據建瓴勢擊踐相吞并篙尖觸犖确桅梢困
纏縈誰言萬斛過惟恃獨力撐競人競以氣齊臂齊以聲水似
箭鋒激舟作雁翅橫日午不得上飢腸如雷鳴哀此退飛鷁願
爲長吸鯨揮鞭海石走舉瓢天河傾一碧渺萬里細縵波紋生
人於月中坐花在鏡邊明此言頗夸矣諸君爲我評

卽景

路轉清流一曲深人家遙在碧山岑小園時有嘯春鳥日晚蕭
蕭風竹林

連日東北風郡縣來迎皆以相賀

古云風利不得泊况值江灘水正肥野堠未容駒暫駐客帆欲
共鳥爭飛初辭郡邑青山郭又指村墟白板扉珍重多慚賢令
宰恩恩相對背斜暉

諸公見和新晴上灘二詩賦此答謝

蓬窗得飽日無事忙心肯向閒中寘獨穿廢井汲寒泉素纈銀
餅聊一試風吹空穴偶成響但逢過耳還應棄賞音無復笑皇
夸一飯未終章屢至奇懷陡入龍蛇挽妙句頓含冰雪思相看
矛戟總森然欲斂麤韃三舍避公等落落青雲人弄筆亦似魚
龍戲卽今破浪乘長風定知一出羣空冀我衰不堪稱下走猶

能洗耳聽鸞吹會須挽過上灘舟瀛島蓬山邀把臂

龍游岸上竹樓

垂垂新柳鵝黃外
潏潏晴波鴨綠前
占盡詩人好風景
開門曉夕弄江烟

小憩

飯罷還應藉少眠
藜牀坦腹對江天
水深欲學蒼龍卧
沙靜多宜白鷺拳
喧枕有聲春野碓
摩崖得句壓寒氈
迴頭夢覺知何處
了盡空空一指禪

江行七日雨輒五日讀蘇集颯颯催詩白雨來之句戲作

誰言白雨爲詩來一日催詩十二回
底事詩人無好句情龍應只待春雷

衢州留別譚芝田太守

七日春風艤棹來兼旬寒雨挂帆回
聽殘梁燕周遮語看到庭花爛漫開
老眼多慙時掇改清談重喜故人陪
煎茶舊迹尋他日片片蒼烟溼綠苔

嚴州西湖

在城西其城南北山亦有南北高峰也

兩峰塔影出城隅江上風吹影欲無
何意卻來春水照教人爭

看小西湖

碧桃海棠數枝以賜餅浸之及試事竣而花亦萎矣

水國花開逢暮春
膽餅留得幾枝新
醉來疏影燈明夜
夢覺餘香鳥喚晨
披卷每招紅片片
點池虛憶碧鱗鱗
一番搖落今如此
忍見麻姑海上塵

初至金華

朝來細雨釀輕寒
坐想春江路渺漫
苦竹繞牆蕪滿地
杜鵑花下小憑欄

聞鳩

竹樹壓牆牆欲傾
屋脊時有春鳩鳴
破曉不辭千百喚
催晚猶

聞三兩聲百鳥何樂鳩何苦雨則呼晴晴叫雨雨晴豈爲一身
謀似與耕夫相共語君不見子規嘯只怕蓬飄歸路迷又不見
鷓鴣鳥空使行人增懊惱世間萬物各有託我獨何爲天一角
有錢但買東山田歲歲春鳩尋舊約

永康山行

叢林鬱鬱草萋萋複水重山望欲迷石路千盤經雨滑麥田幾
稜帶雲低農家風景人如畫春晚光陰鳥亂嘯幽賞不知程遠
近夕陽猶在衆峯西

出縉雲過桃花隘

斗峰回互徑延緣身與浮雲共渺然漫說好奇同謝朓只疑鑿
空類張騫雷驅雪浪爭穿谷劍拔蒼松峭倚天華髮山中多佚
老蠶叢開國記何年

甌江夜泊

鳥道出東甌雲帆復下舟潮生蓮舫晚風急石門秋漁火穿岩
曲鄉心入海流未燃犀照水只恐動潛虬

觀石門瀑布

幼讀先大叅公詩夢想其境今行過之泊舟石闕下
沿流而入峭壁四圍一水回折飛布千尺挂巖直下隨

風飛灑若烟若雲浸衣濺面肌骨皆清意謂非人世也
同遊諸友咸共嗟異歸而紀之以詩

疾雷擘玉峽白龍飛上天至今但留所行路噴爲萬斛崖犁泉
削壁直上一千尺隆隆陣鼓殷其顛凹凸激宕成飄灑拋珠濺
沫如風烟書生仰面詫奇絕忽覺衣袂淩蹻蹻雲陰日暮不歸
去癡想欲問皇古前無乃倒吸滄海入亦恐上鑿銀河穿四圍
蒼翠皆岵嶧一棹宛轉相沿緣天生此泉在此境神工鬼斧誰
雕鐫興來舉杯一引滿出門自謂臨江仙扁舟夢醒不知處赤
壁之游空惘然

宿江上

是行由金華而處而溫而台以至紹興行萬山中蓋千餘里矣

日落潮來渡未能
夜船燈火照西興
藜牀祇覺風波穩
踏過懸崖幾萬層

盆蘭二首

沅湘不可極
庭宇颯已秋
含風若有情
絕代固無傳
不矜廊廟華
但媚巖谷幽
君子貴自我
於世將安求

世不知此花
此花亦遺世
淡泊或相遭
倉猝難可致
太息古人往
悵然生遠思
頗疑含苞中
有靈均字

憶桐江剡溪之行
各寫爲圖以贈
願晴芬少空陳
芝楣太

史

江上春風滿竹枝
停舟獨拜子陵祠
意行驚起沙邊鳥
飛入晴烟總不知

疊疊青山曲曲流
迴程曾泛剡溪舟
思量蓬底卑棲甚
更寫君家百尺樓

九日擬招林少穆
觀察登大觀臺
意想爲圖系之以詩
寥落秋空萬里心
重陽把臂一登臨
江流不盡滔滔去
坐對青山話古今

吳荷屋前輩蓄墨妙甚夥
擬借觀以詩畫先之

苦竹蕭蕭烏柏丹巖江煙雨入毫端
香溫茶熟無多事要乞君家畫本看

梅花

鳴琴館裏微風夜輟棹溪南小雪時
雲影離離天淡淡一般清味少人知

小景贈屠孟昭太守

木落山空水國寒北風吹雪歲漫漫
擁鑪啜茗無佳思戲寫江天一色看

寄子受田時舉進士第一以傳臚改庶常

寒窗風雨送朝晡入世文章問老夫鵲起於今登上第鵬飛以
後更長圖心思未細何言密膽氣能堅尙恐羶莫道而公容易
學當年辛苦掙頭顱